

Na osnovu člana 21. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06 i 32/07), Agencija za državnu službu Bosne i Hercegovine, u ime Agencije za unapređenje stranih investicija u BiH, raspisuje

**JAVNI OGLAS**  
**za popunjavanje radnog mjesta rukovodećeg državnog službenika**  
**u Agenciji za unapređenje stranih investicija u BiH**

**1/01 Zamjenik direktora**

**Opis poslova i radnih zadataka:** sarađuje sa direktorom i pomaže direktoru u rukovođenju Agencijom, u skladu sa Zakonom o Agenciji za unapređenje stranih investicija u Bosni i Hercegovini, Pravilnikom o unutrašnjoj organizaciji i sistematizaciji radnih mjesta u Agenciji i opštim aktima.

**Posebni uslovi:** završen fakultet društvenog, tehničkog ili humanističkog smjera; najmanje osam (8) godina radnog iskustva; položen stručni (upravni) ili javni ispit; aktivno poznavanje engleskog jezika; poznavanje najmanje dva kompjuterska programa; poznavanje savremenih komunikacijskih tehnologija (internet, elektronska pošta i sl.).

**Broj izvršilaca:** jedan (1) izvršilac.

**Napomena za sve kandidate:**

- *Pored posebnih uslova navedenih u javnom oglasu, kandidati moraju ispunjavati i opšte uslove propisane članom 22. Zakona o državnoj službi u institucijama Bosne i Hercegovine.*

- *Pod radnim iskustvom podrazumijeva se radno iskustvo nakon stečene visoke školske spreme.*

- *Za provođenje konkursne procedure po ovom javnom oglasu formirat će se jedna komisija za izbor.*

**Potrebni dokumenti:**

- **ovjerene kopije:** fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine); važeće lične karte; uvjerenja o položenom stručnom upravnom ispitu ili uvjerenja o položenom javnom ispitu (u cilju oslobođanja od polaganja javnog ispita), potvrde ili uvjerenja kao dokaza o traženom radnom iskustvu; dokaza o traženom aktivnom poznavanju engleskog jezika; popunjen obrazac Agencije za državnu službu koji se može dobiti u prostorijama Agencije za državnu službu BiH ili na web stranici Agencije [www.ads.gov.ba](http://www.ads.gov.ba).

- Kandidati koji budu uspješni na pismenom dijelu stručnog ispita obavezni su *na usmeni dio stručnog ispita (intervju)* donijeti *uvjerenje o nevođenju krivičnog postupka* (ne starije od tri mjeseca), koje se ne dostavlja zajedno sa drugim dokumentima, u protivnom neće moći pristupiti istom. Iznimno, u slučaju ako kandidat iz objektivnih razloga ne dostavi traženo uvjerenje na intervju, isto treba dostaviti najkasnije do momenta preuzimanja dužnosti, u suprotnom skida se sa liste uspješnih kandidata.

- Javni konkurs se sprovodi u skladu sa Odlukom o načinu polaganja javnog i stručnog ispita ("Službeni glasnik BiH", broj 96/07).

- Javno testiranje će biti održano najranije 30 dana nakon isteka krajnjeg roka za prijave, a o datumu i mjestu javnog testiranja kandidati će biti posebno obaviješteni.

Gradivo i pravni izvori odnosno literatura za polaganje javnog ispita utvrđeni su Programom polaganja javnog ispita („Službeni glasnik BiH“, broj 28/08).

Sve tražene dokumente, *osim uvjerenja o nevođenju krivičnog postupka koje se dostavlja na intervjuu*, treba **dostaviti najkasnije do 03.06.2008. godine**, putem poštanske službe preporučeno na adresu:

**Agencija za državnu službu Bosne i Hercegovine**

**"Javni konkurs za popunjavanje radnog mjesta rukovodećeg državnog službenika u Agenciji za unapređenje stranih investicija u BiH"**

**71 000 Sarajevo, Trg Bosne i Hercegovine 1**

Nepotpune, neblagovremene i neuredne prijave, kao i kopije tražene dokumentacije koje nisu ovjerene neće se uzimati u razmatranje.

maja 2008.g.  
Sarajevo

**DIREKTOR**  
**Jakob Finci**